



UNIVERSITÄTS-
BIBLIOTHEK
PADERBORN

Universitätsbibliothek Paderborn

Cibus Electvs Sive Instrvctiones Sanctae De vita sanctè traducenda& inter pios sanctósque affectus concludenda

Elffen, Nicolas

Coloniae, 1667

Instructio III. De amore solitudinis & silentij.

[urn:nbn:de:hbz:466:1-55232](#)

Etiā Cognatos & Amicos te tribulantium hoc respectu ama, & benefac eis, & omnia ea exhibe, quæ perfecta charitas præstare jubet, erga ipsos inimicos.

Si inimici tui in rebus suis habeant successus prosperos, gaudetisque ex corde gratulare; sin autem habent infelices, dole & intumē eis compatere.

Habeto illum diem pro felici & fausto, in quo passus es aliquid; illum verò pro infelici & infasto. in quo nihil passus es. juxta illud S. Climaci: *Is qui ad placidam animi quietem & ad Deum currit, omni die, quo maledicta non suscitinet, ingens detrimentum se sustinuisse arbitretur.*

Contemne adversitates tanquam res levies & nullius momenti. Nec reputa unquam pro injuria, quidquid demum inferatur, quia quotidianis nostris in Deum peccatis id omne optimè sumus meriti; potius reputa pro beneficio, quod enim in præsentii est, momentaneum & leve tribulationis nostra supra modum in sublimitate aeternum gloria pondus operatur in nobis. 2. Cor. 4. v. 17.

INSTRUCTIO TERTIA.

De amore solitudinis & silentij.

Quanto magis te abstrahis & separas ab hominibus, tanto propius accidis ad DEum. Unde si religiosus es nunquam cubiculo pedem effer, nisi aut necessitas aut charitas id exigat.

Sum-

Summo studio vita conversationes & colloquia sive cum Domesticis sive cum exterrinis superflua. Nam id nisi feceris, animum tuum à peccatis immunem minimè custodias, quia in multiloquio non deerit peccatum: Discindes jucundissimam illam mentis conjunctionem cum Deo, qui loqui solet ad cor eorum, quos duxit in solitudinem, quamdiu in eadem perseverant, & obstrues fontem divinarum consolationum, queis animæ, quietis & taciturnitatis amantes irrigari solent.

Præcipue congressus & colloquia cum fœminis & rara sint & cauta & necessaria, quippe lubricum negotium est, ubi minimum lucri fit maximo periculo. à colloquiosis prolixis, quæ cum mulieribus habentur, plerumque redditum cum insigni conscientiæ remorsu, & cum magno imperfectionum Angelicæ puritati adversantium cumulo.

Esto in rebus tuis valde secretus, & quod tacitum esse vis, nulli mortalium reveles, nam ita periculum non erit, ut prodaris. altè imprimendum est illud Poetæ: *Silere quod alium usles, primus file.* Præcipue consilia, quæ adhuc executioni tradenda sunt, nulli aperiito, nisi illi, qui eorum debet esse particeps. Nam consilia etiam optima, id circò saepius successu carent, quia citò nimis in publicum erupere.

Nihil temere enuntia de rebus, quæ ad-

G

huc

huc sunt in manibus Superiorum & Provi-
dentiæ divinæ. Nam de his inconsulto &
facilè aliquid eloqui, est ferè semper falli &
fallere. & cum sàpè res aliter contingant,
quàm ipse speraveris & edixeris, ita fiet, ut
authoritatem tuam propriâ culpâ diminu-
as, & te ipsum & verba tua ludibrio exponas.

Summo studio semper cave crises & vitu-
pèria aliorum, qui liberè censet & carpit ali-
os, semper duobus nocet. Alteri, quia fa-
main ejusdem obscurat; sibi ipsi, quia pas-
sim audiet homo criticus, & in périculo e-
rit, ne alterius, quem læsit, offensam incur-
rat, si nempe hæc dicta alter ab iis intelligat,
quibus eadem credidisti. De alienis tacere,
est cum omnibus pacem habere.

Antequam ad loquendum prosilias, ex-
pende & præmeditare quid loquendum sit.
Quo pertinent illa Chrysostomi verba. &
lingua regulas quasdam & leges ponamus, ut
prius verba ruminet, & ita proferat.

Si loquendum est, esto in loquendo par-
cissimus, nec quidquam eloquere nisi neces-
sarium sit, & nisi ad majorem DEi gloriam,
& animæ tuæ aut proximi salutem condu-
cat. & ubi plures adsunt, sine præ te alios
loqui, qui toties lingua non offenderunt,
quàm tu offenderis. Sanè esset conveniens
& maximè decens, ut arcto silentio compen-
sares damna, quæ toties alienæ saluti & fa-
mæ, divinoque honori, scandalosè & effra-

si tuâ linguâ intulisti. Cùm os aperis ad loquendum, cogita (quod verissimum est) verba tua ab ipso Domino & Conditore universorum audiri. Timéque apud illam supremam Majestatem ea sermone proferre, quæ coram Prælato aut inculpatæ vitæ homine loqui erubesceres.

Absint à verbis tuis omnis duplicitas, inconsideratio, præcipitania, imprudentia, importunitas, irreverentia, prolixitas, quidquid demum inordinationem aliquam sapit. & si quid contra hæc monita per diem deliqueris, voluntariis poenis circà vespereum expiare stude.

INSTRUCTIO QUARTA.

De Obedientiâ perfectâ, quam perfectionis amans exhibere debet Patri suo Spirituali.

§. I. *Virum ad eximiam sanctitatem aspiranti necessarium sit, ut Magistro alicui Spiritus se totum credat?*

Magistrum Spiritus, sive Patrem Spiritualem hic voco, non solum Superiorum legatum, qui cum Jurisdictione præsit, uti præsunt in Ecclesiâ Episcopi & Pastores, & in statibus Religiosis Frælati, aliique Superiores, sed virum quemcunque Spirituali prudentiâ & rerum asceticarum cognitione ornatum, quem mentis tuæ arbitrum & directorem tibi ipse elegisti, & cuius fidei curæque te ipsum commendâsti, vel certè commendârunt Superiores tui, ut ejus du-